

鐔

墟

堂

摘

稿

鐔墟堂摘稿卷之十八

明光祿大夫太子太傅工部尚書豐城古和雷禮著  
七體賦辭一

七詰

枚乘作七發曹子建作七啓張景陽作七命逋相  
模擬各極玄談槩之以聖賢之旨則未也予索居  
貧甚客有侈富麗以詰予者不忍更操作七詰

怡和孝廉寓居隘湫耽性冲素茹糗服緼悴如稿  
柴慙如饑調棄紛華而弗徇獨礪禮以自修於是

浮遊子策肥馬衣輕裘綦履佩玦造門爲謀且曰  
憊耶何自殘耶竊聞仕者身歸於君祿歸於親亦  
云利而已矣矯廉而隱賜非義也輕財而削身非  
智也是故山銳則不高水狹則不深行特者不祥  
志亢者不謀今子貫塵紛之羈絆繫名聲之韁鎖  
伏周孔之軌躅奔王事之鞅輝舊矣曾不能藏金  
穴流貝源竒貨雜還異彙填門廼枵然寒素貧不  
自援辟若促鱗之居涸澮短羽之棲薄樊未之思  
乎豈所以圖存也哉孝廉喟然長息仰天而應之

曰若子之言斯所謂見世路而未叩靈臺者也夫  
日月欲明浮雲翳之叢蘭欲茂秋風敗之河水欲  
清沙土穢之人性欲平嗜欲害之子笑我爲殘憊  
予亦病子屑屑而諄也浮遊子曰吁子情於貧哉  
夫富人之所欲能使窮谷生暉枯槁發榮冷灰再  
煦哽雀重鳴僕將爲子論天下之至妙列耳目之  
通好原娛心之性理綜道德之彌奧可乎孝廉曰可  
浮遊子曰今欲崇基誇邑廣廈造天公輸制匠摩  
技研賢華構錯落蛸虹蜿蜒聳浮柱而虬立施飛

檐以龍纏中列重簾如豉如鸞璇題文陞交疏迴  
欄矯凌虛之楚閣維射影之軫軒銅鳥峙其北柱  
鵲迤其嗽爾乃芸房對槐石室曬旭綸以珠簾綴  
以瑤玉綺井含葩彤虫彤綠俯積釵砌仰綬瑰木  
覆雲紉之素駢孔雀之屏拱嬉戲之層榭連縫適  
之開襟北窻則羲皇寄傲南宮則靚女投簪延客  
則魏勃掃役倚樓則趙瑕懷吟或望高丘之雲潛  
通吉兆或會蘭戶之弈自叶瑞臨而又眺八字挹  
近岑迎薰解愠萬狀可尋律萃焉紆森焉盤困焉

采芟焉邈不知其所終也此則宮館之美可少乎  
哉孝廉曰峻宇雕墻君天下者尚戒之予雖貧弗  
慕此也

浮遊子曰平原廣埜背陰面陽土訓詔事平畛表  
壘鑿而爲窪甃而爲塘砂泓拖練澗沚濛濛最巖  
嵐滃幽育明張撫蒼巒之削翠帶黃渠之汪洋爾  
其芟陶徑蓄謝池拓桑林之苑經千金之隄灌明  
義之井奄樊山之溪義旣存於含養道亦聞其生  
牧布吳杭覃荆粟垂戎果錯詡竹間以奇花挺以

異木鬱然而陰蔚然而絨散渙乎川禽歛奔乎怪  
族戛其鰓兮芴焉子有也於是執牙籤登稼圃別  
十行稽九數摧澤梁棧山豈計岫毛弄禽竅附以  
西園之積鴻都之聚安息王面蜀賓騎馬笑江祿  
之鍾鳴敵碩兒之金庫暇則集彼裴張著履閑覬  
想神人於姑射望盤龍之宛轉展蘇門之清嘯訪  
酉陽之逸興祝黃石於鼓城留郭文於谿笕少焉  
嘉上善集芳洲天空日晶則江妃唱棹而遊風颺  
雲薄則榜人采菱而謳謳曰山可採兮水可漁跨

阡陌今連雙渠吁嗟不樂兮金谷爲虛此則田產  
之盛可少乎哉孝廉曰夫務廣地者令人志荒予  
雖貧弗慕此也

浮遊子曰乃若庶羞異饌窮滋致豐簡犧羽族考  
牲毛宗文文華錯豆俎衡從苞廬含腴耐輦移童  
騁山梁之雉解江東之黿拾朝陽之卯炙封熊之  
蟠瞻以宋鵲明視山君五指金骹潛鮮縷分黑骨  
作仙家之脯蹠角輕垂天之雲和以歲桃芳以椒  
醺味適伊公紫蘭射薰素膚散雪輕若飛雲亦有



仙縹神紅靈山茂影南粵龍支虎丘嘉實啖范汪  
之盈斛察孫亮之清蜜服菟橈而成丹嚼錯金而  
益力爾乃厭飽饒實胡麻疊傳飴沁雲芽舉以象  
箸稱以玉杯醺以竹葉泛以春梅則有傳於子夜  
聽彼綿駒曼聲宛切清響紆徐揚徵兮騁角結風  
兮激楚莫愁兮石城空懷兮瑣女樂雖厭而弗爽  
傾儀氏之樽壘或題糕而素句或調羹而羹才屈  
田文之比飯祝屠蘇之綠醅介景福於眉壽奚啻  
駐足乎蓬萊此則飲食之奉可少乎哉孝廉曰呂

氏云肥肉厚酒爛腸之食予雖貧弗慕此也

浮遊子曰吾將爲子曳綺羅襲綾殺復金爲垂偏  
紫粉袞戍削紆舒委曲侈朱博之大招矯雋生之  
盛服戴八斗以爲冠題南部之嘉名麗以鵝鸚飛  
以翻纓佩玆如意價重連城玩彼鯨日照月爲明  
載寢則暗驚指玉長裾則乍喜鳴珥他若蚪龍列  
象樓堞成形甄琛旣欣乎晝遊楚霸亦嫌於夜行  
輓車曾用於玄纁纜舟更說於耳寧入夢而聞割  
截濯魚而見鮮晶於是懷中探圖指間結綵列江

東之闔場競茗華於王愷珥抵鵲巢帳開粉闌白  
地韜杠綠野蔽泥鷺以頻師之五色雜以王朗之  
騶衣四十里石氏之奢三十兩齊桓之歸握靈蛇  
以自伐見館陶之若梨在易粟而猶可詎彈雀以  
非宜旣偉咸陽之藏更覩玄菟之庫錯覩磬與璫  
璵紛昭華與龍輔謾酌酒於瀛洲訝改玉而改步  
固食之以禦水非種之而娶婦想釵留於招靈因  
名玦於奚祿誠汾水之有祥敢云老聃之碌碌此  
則衣佩之麗可少乎哉孝廉曰夫服官政者自有

法服人而無廉猶衣之無殺予雖貧弗慕此也

浮遊子曰乃有骨利十驥西京九良義渠茲白瀚  
海驄黃絢練半漢沛艾騰驤尾如雲慧口有紅光  
龜茲之萬計盈廐爾朱之色別成襄走將資無鬼  
之精鑒藉九方之妙識掄馮空之白鶴驂閃電之  
齧膝啖以芻餌哺之薑脯御以輶衡柔以轡組巾  
翟輶膏轄釭繪五色蓋三重節以鳴鸞飾之雲母  
暢轂重牙倚龍伏虎或以黑耳徘徊或以香衣表  
號折羽流蘇加犛掩纛枕朱英之夷矛秉角觶之

雕弓建采虹之長旃捷飛鳧之焦銅戒驅馳而出  
軌當擊轂以迎風驚凌虛以逐日或藏形於空中  
時則鄭莊置驛萬石式輅飲長城之窟走章臺之  
路電奔鬼駭流星踊霧習儀封而逐勝惜障泥而  
不渡旣乃與秦楚燕趙慷慨之士勢崇豪俠意氣  
傾人浮箭塩浦割鮮染輪捐錢渭水擲壁陽阿夸  
父投策拂劍長歌歌曰彤車翠蓋翳華芝左驂雙  
龍右兩螭一蹴青霄志不墮赤華爍灼白日移古  
疆乘之壽可期千秋萬歲亦何為此則車馬之樂

可少乎哉孝廉曰鄙哉席貴矜豪厚積而過享者也  
也三 雖貧弗慕此也

浮遊子曰世有東方族日翳染餓夫窮谷寒士環  
堵慮儒蓬戶甕牖揉以柘樞蒙袂接履決踵見膚  
謗丁廩之可惻抑懷德者之所悼是故葉陽助息  
鍾黎兼濟錫炙市惠歸骨全誼既富則秉直散財  
嗟來則黔敖與食賑荒則韓龍發廩聞哭則公亮  
倒簣或造棺以施貧或給藥以療痢輦漿不憚於  
飲行施粥何嫌乎布類雖脫裘以遺愛矧解驂而

免累此古人之練修非吾人所可異耶今欲子出  
朽貫啓生塵哀哉獨拔瘡湮騰聲躍世揚義飛仁  
廣亭長之賜結喬孔之盟使門有食客家多亡人  
莫不仰企末照俯濡餘春重氣輕命感分遺身伏  
劒則田光如燕畢命則公叔於秦加以張丑前列  
龍陽後從鼻尖出入耳後生風易敗成福揭卑爲  
崇雖一囊矜趙一之憊而三窟收馮諼之功若夫  
買金不計之陰德則司柄於窮窿視鄴下公子之  
懷歌又不可以比同此則窮乏之市可少乎哉孝

廉曰言則似矣第予實貧若利人得我而失其本心非孟子所羞耶

浮遊子曰未旣也不聞活族之說也夫族其初一人之身也戴天履地滋枝綿根癢疴疾痛同體聯情至人不二持藿秉衡懷類煦穆樹爲宗楨齊則仁有等級平仲之所以彰賜也宋則田有千畝文正之所以溥義也此兩公者同量江河等曜日月神叅玄化聲馳華粵故生則人榮之死則人哀之皆象刻於百工而勲勒於金臺者矣然則瞶目之



華飾部家之產屋沉湎游蕩激恩窮鞫固不足以  
祛子迷痼矣彼二公所施獨不足以廓子襟耶言  
未及終而孝廉曰善乎嘗有志於是然二公位高  
祿厚始行其志及自處則索然矣予今實貧敢竊  
名爽行耶姑待之何如

浮遊子曰噫嘻子僻也夫謀身者不匿跡建名者  
不後時子既有志於二公矣不構會遠置小枉大  
伸是欲千里而咫尺未發不幾於固窮歟孝廉曰  
有是言乎是桎梏我也吾聞天下有四窮貧不與

焉夫希世比周抵瑕陷厄命曰風教之慝是行窮  
也飾才媚衆敗俗紊官命曰紀綱之忒是政窮也  
單庸撤享離䟽空虛命曰理性之蝕是學窮也漁  
獵新奇培塿集滌命曰辭藻之堅是文窮也予將  
以朝廷爲田畝以法度爲車輿以詩書爲園藪以  
圖史爲室廬樹六藝之飾饒道德之腴托竹素爲  
世寶崇教化爲亨衢羈轡仁義纓鑲禮樂洗剔精  
魂拓志廖廓下探淵幽上求玄噩列以三光掩以  
九澤千駟不敵其富萬鍾莫踰其豐非韓魏之可

奪豈糟糠所能窮居則據素功之微旨刺魯故以  
爲篇景濂洛與關閩紹斯文之未傳出則宣問伊  
傳稽績周旦小澤宜力大潤八埏詎沾沾餘瀝九  
族歸我闥哉况

聖王之育斯人也樸以皇質彫以唐文六合怡怡比屋  
爲仁使吾輩不耒耜而食天祿九族一陶已多矣  
乃削蘆以濟之不亦倒乎且平仲顯君成名文正  
先憂後樂夫固二公之大者也而掇其緒餘是滄  
海一瀉也固將懼吾躬之爽德勤百畝之不耘其

守拙以安行俟性命之所存於是浮遊子爽然曰  
子之言是也子今乃知富於道矣嘉而歌曰人之  
知矣謂我汰矣或觀其面不見其背渙然氷釋至  
人之言願從初服與子細論

登敬亭山賦

古和子將覽郡國登于敬亭景韓李之遺躅陟刻  
劃之絕冥俯象六極仰窺無垠問遺俗於故老招  
方外之飛仙於是揖樵父而進之曰子知茲山爲  
平楚之鎮乎巨嶽晃兇羅絡坤軸嶠嶂嶙峋崢嶸

鬱轟枕倚丹陽結湊姑熟壤界吳越野纏斗宿上  
梁青宮旁灼曦景峯斬崛崎巖陲續屬有巋而巖  
有洞而腹有汎而脉有礪而骨歆者似弁翬者似  
翻注者似臼伏者似獫狁者似馳怒者似拍鞠巍  
巍其隱天眇江淮於咫尺爾其峯峯沓翳屹嶠斷  
削塘嶙嶸刺嶠竭穴鑿峭嶠蒙險摧姜積沓眺侶  
獸之駉駉翻衆鳥之頡合草自然而千華樹無情  
而百色獸則後貌窮竒羆獮麀麀赤首園題三角  
九尾騶駼翹蓐牝犢憑阻馱馱遠暢土怪跪乳獮

積攢錐槃瓠竦耳𦏧𦏧𦏧明視軼𦏧散若驚波  
聚若京峙詭形殊種不可記指鳥則今衣丹頰翠  
彩朱光鵲鳩鵲鵲鵲鵲鵲鵲鵲鵲鵲鵲鵲鵲鵲  
慈鳥嚙繖而反哺含鳴亂影以翱翔婉細葩之煥  
翼集翡翠雉於筠篁鵲鵲鵲鵲鵲鵲鵲鵲鵲鵲鵲  
交精旋目啄葢食梁徐飛𦏧𦏧𦏧𦏧𦏧𦏧𦏧𦏧𦏧𦏧  
桺楔櫻杞梓櫻楠松子古度枕栝櫻櫟女貞平仲  
平檻攬檣君遷後葉桂椒颺𦏧𦏧𦏧𦏧𦏧𦏧𦏧𦏧𦏧𦏧  
森蟲穿雀剝齒壓苔侵莫不吟條鼓韻節亮調深

蓋諧韶濩之奏虛聞管籥之音草則薜荔蕙若傳  
公留夷揭車菑菑射千芒籬芳窮蘅芷歲新菲芝  
菴蘭芳納荷菰葵茂異葵蔭黯廣衍麗靡吐芳媼  
神之出標末含澤之堤挺素莖組紫綈炫兮院茂  
曄兮都離於是諦覽猥觀縝紛軌効迢遙遼窈若  
渺恍忽其東則南湖縈洄潏潏潏鍔鍔尊行藻縟差  
差旅生曲河濶瀑潰其隈油榨狀流瀆其足涓源  
泉之灌注沛宛旬而渠淶距以麻姑綴以落星折  
山紆邐掉碧奔騰倚勢傳義華蓋勸名懷觀察於

玉粒悅幽曠兮稽停中有石馬苑學白魚叅政浼  
阜犁鋤寺頭鍾磬遙望瞿硎猶存鹿裘之蹬者而  
幻見出沒則亦莫覓其姓矣其南則陵陽鼎峴嬰  
雉窮隆雨水夾鏡雙橋垂虹躡鰲仍撫密壠迤栢  
視錯籠叢文眷輶解響岩玲瓏曾開壁崖勢極黃  
嵩與夫豐嶂之樓佑聖之閣聳浮柱以虬立適煙  
井之布落若乃堂侈琴清亭稱西候引水泛觴納  
涼坐嘯丞廳綠蔭沃州迴繚構架望稔間建索笑  
榜以濟美崇以宣詔昔固一時之盛也而今鞠爲



卉墟不瀝瀝可弔矣乎其西則天門閭闔如踣如  
舞行廊環繞拱若闔廡冠揖鶯嶺迥指藍樓阮寨  
爲闌挾關爲輔右漂大明沁滌泮汗漉集灣汴濟  
沆淼漫吸青弋而澎澎嘬白洋而泔泔排碣坵空  
駛溜切漢亦有射的占歲承流沫嵐盤石贈跡王  
朗結菴大農載范令之陂銅丁識魏王之墓雲岫  
曖桓公之榻礧岨鐫唐賢之註緬憶水西遂值乘  
輿不復到矣而風光依舊非吾人所當報道者耶  
其北則却背甌佛絕限嶧欽竹塘豐蔚稻堆藍岑

橫堙出其坂塞口直其陰延袤濠塹綫綺慈林漚  
以三泖冬夏異沼黃池逢淳潁溶漾漣澶并蕪濤  
洶歸江渺牛渚悲涌而自浪蛾眉含顰而難老爾  
其望夫處兮悠悠悼楚城兮寂寂凌鼓臺兮霾湮  
訪謝宅兮月白始知世遠事移盡爲陳迹彼跋扈  
登高以夸耀者果何益耶其封圻之內則原隰墳  
衍疆場綺分濫觴刻鏤數圃池齋腴腴垌野變變  
蓄昀膏腴蕪倍塹塹接鱗稻秔穎實桑麻鋪茶國  
籍再熟之祝鄉饒如阜之困復有奇果擢榦豔野

彌陌霑靈液以敷柔的屈璫以揚秘被細腰之鹿  
盧覃同心之萸棣揉並蒂之壺耳綿羊骸之陟酌  
蜜黎津潤瑰采鐸世青房餘滋紅膚競裂縞隔答  
還冰碎瑩削泫猶珠駢粲若銀礫於是旣富且庶  
都邑蟻連棟宇相植閭閻且千廛達七軌岐通百  
廛兼羅村市襟帶閭闔至問其民俗力耕織薄商  
販敦儉朴提德教不侵然諾砥礪廉隅尊慕儒術  
雅尚詩書其元氣決軋孕爲賢良輝輝事業掀持  
網常則有灌玉親詞諷謫藿檜鐵笛吟哦閉香文

墨秘閣理學精純都官風雅玄極提舉拂衣諫垣  
待制奮筆史籍淵潛職聯樞要敏肅志厲調燮集  
英練習條章通判摧折奸慝處士抗草檄之髯宗  
伯死瑣搶之節或比坡顙於天台或協武穆於南  
國俊傑勃興鍾異自昔月培歲濡于今代作故縫  
掖之輩涵三毓五睿智牖發經緯典訓稟印彝則  
士行幸脩於算竇凡民漸磨於樸棧浥泌水以考  
槃乘明時而射策如其文以禮樂亦可以爲成人  
矣豈與春華秋實爭其優劣哉所可惜者詭習慧

訛黔首囂蒙外恃聲利內煽筆刀小則睚眦衽怨  
大則狼黠桀驚茂三木如冠履以往行爲比臯多  
行不律剽畧倪毛強先糾擾簫鼓繹騷甚乃親死  
不殯暴妻蓬蒿微冥竊福訟牒日號傷哉大道之  
隱也獨山川之罪哉不然荒堦少爭辭稱淳久矣  
而何其大背耶古云虎嘯而風冽龍興而致雲世  
有聖哲之石必有忠耿之臣

明興百有七十餘載鴻猷闕備皇澤淪洽貴以敷言和  
衷納甲暨我

躬敬履仁觀氓隸之歡娛又垂意於察倫四郊分  
祀九廟肇禋田蠶祗苑經筵留神革中官之出鎮  
表孔聖而正號構無逸與豳風尋說命與召誥既  
乃練衣不蔽革鞜不穿除後宮之艷飾捐乘輿之  
彫鞍抑淫技援饑寒惡竒玩而不御務錯刑以勝  
殘於是海內乂安背偽歸真機巧蟬脫耳目不營  
引恬引順永無民萌野謳市忭玉潤金聲自浩劫  
所不服茂德所不綏皆草偃羽化輸琛獻琬矧茲  
股肱之郡

金史卷一百一十五  
聖祖所隆渥者固宜彬彬稱美爲外服先而乃罔丕變  
非守土之道寢訥者哉夫憲經飾藝表行敘正者  
弘烈之義也宣惠流膏審時觀治者上仁之事也  
况吾生之行邁叨微祿於

彤庭猶犬馬之戀主暢超然之高情憇清風於崖館蹈  
重險而逾平覲終南而多愧非固有美於翠屏懷  
夫古之秉麾茲土者若仲都振肅學校思永整頓  
紀綱崔璵薄稅輕歛公覆扶弱鋤强安節治藥給  
疫黃中出俸療荒胡宿寐格誣抑玄保制停叛亡

繫乎壽翁之晰爲券道傳之祖社倉路斯之通水利仁肇之具橋梁貪黷盡黜於班竹父母再頌乎杜王勵入而猛獸屏塗遵去而鐵鎖絕江其卓然名世則有何遠公忠桓彞壯烈裴休方正王質謹敕趣叶滄洲邁五馬之雙旌政歌華黍欣萬物以同榮訟地成閑田王志之賢有令聞也築堰載口碑薛邕之譽若蘭芬也夫數公者樹馨民牧起爲臺輔績著前朝勲藏天府生席祐寵沒饗豆俎想紉佩之葱珩若鏘鏘而在戶由此觀之道有升降



政由俗革上之遷下猶釣之埏埴不其然乎夫高  
以下爲基民以食爲天正其末者端其本善其後  
者慎其先菲將昧爽不顯夕惕若慄圖匱於豐防  
儉于逸振貧靡存劬獨謀無辜補不足省法網休  
力役徵辭貞度澡性滌慾使幽述不閉習爽必燭  
男不輟耰女不失聚然後蒞止譽序屢擊鳴球青  
衿濟濟譽髦雍雍書誦虞夏詩咏殷周演義文之  
大易論魯故之春秋精庶言之消貿非漁涉而獵  
蒐期悟道於自得而其學一本之身脩旣乃延接

百年咨孝子節婦而振鳩之煦以耳沐蠲其煩憂  
固壹明

國朝之令禁升茲土於魯鄒詎馳騁杭忝之地蹂踐  
芻蕘使民無喫休者耶且省方觀民士君子所宜  
遠謀官天地府萬物古人蓋奄九寰而并收不然  
高明懸薄華冕輕裘致身廊廟陟位公侯徒因時  
而碌碌亦何貴於名流言未終有邑老田父進而  
稱曰百里不同風千里不同俗戶異政人殊服然  
損益以時更治之要術也予老且髦矣乃聞使君

盛德宣民不自是有餘福耶歌曰山宵宵兮亘綿  
喟塵紛兮俗遷吾有念兮日拳拳從至人兮與玉  
堅

躬祀員丘賦

嘉靖十一年冬至

皇上躬祀員丘臣等躬逢其盛不勝忻躍之至敬賦此  
以紀成事云

維天子參兩儀而立兮報本莫大於郊祀之儀哉  
非物自外至兮殷薦垂訓於象辭受文祖而肆類

兮懷夙夜之惟寅旣我將其右享兮夫豈腆儀之  
淫施苟行之以明恕兮固無擇於蘋藻與行葦彼  
奉盛以告兮亦曰上下皆嘉德而無違展咸秩之  
無文兮心昭裕而遲遲不云享帝惟仁人兮勿勿  
諸其欲饗之禋祀爰備於姬旦兮越百王其永師  
降而四郊五時兮末流烏足以語斯紛忠信之不  
由中兮廣輿與衛而怙侈况雜以道家焚修兮與用  
孟蘭之非禮濂同異於分合兮胥沿謬於元始遂  
俾彼蒼不獲獨伸其尊兮正論竟沉晦而已矣惟

皇明之革天創元也我

太祖首綏萬邦倣成周之戎造兮欲定典而未遑達

聖上之中興適繼明而重光矩坤度以範物兮規乾則

以握綱英烈烜赫於有截仁聲馭胥乎無疆旣更

化而覃治兮遵皇衢以省方仰先志之未遑兮度

弘規以作京平駿績於單闕兮徧夷夏其懽騰越

今弘黜執徐亶承圖而續行迓一陽之初動兮思

騎龍於帝鄉宏哲命於立澤兮傳天語於下方旣

致齊其精明兮伏玄武而發金吾登天靈之威路

兮駕太乙以前驅按軒轅之明庭兮過陽谷而踐  
蘭區軼凌陰之地室兮俯琳觀於虛無輔弼還其  
朝座兮勾陳衛乎紫樞煖風輕兮浴殿兮雲裏裏  
而盤孤鶴棲樹而寒靜兮喧驚析於周廬壁壇迥  
流霽月兮動春星於銀衢闢天門而鳳舉兮嵩嵩  
倏聽夫夜呼森冠蓋其踳踳兮列干羽而凜趨王  
輦遙臨犧宰兮燦周簋與夏瑚迺獻拒鬯用禴兮  
裒髦士而敏膚委錡珮於澤草兮綻三花而綴珠  
拂瑞靄於雉尾兮五色呈而交敷轉龍旂而蟠日

兮儼駐足於蓬壺仙樂曲終九奏兮昭和德之上  
乎洋洋如在左右兮固非求媚於諂將洪洛誥而  
斥秦誣兮貽百王不易之矩範受禧雖同漢室兮  
求仙自黜乎武黯又豈太乙汾陰兮妄投乎玉符  
之檢有所竭情而文若兮青祠何羨於法玄不䟽  
急而合天道兮奚宋之十年六年是蓋心怵而奉  
之以禮兮備百順而弗愆忠於民而信神兮非特  
祝史正辭而已焉於鑠南郊之共盛兮躬染屨於  
天田不云誠信之謂盡兮通嘉德其孔全矧惟

敬一有箴兮粹厥脩於至精貫隱微而徹之兮協理道  
於幽冥用罔時怨時恫兮欽受紀於萬靈暖然下  
燭法壇兮望神光如流星龜龍秘諸赤符兮齊氣  
朔于堯蓂由是升中於天兮聽鳳凰之諧鳴台予  
非雄老陪從兮佇瞻郊氣於雲亭心懷諫獵空赤  
兮幸逢時而髮青竊附杜甫三禮兮追兩都於漢  
庭予以藏日月於金櫃兮頌文謨而勒銘

俟命賦

客有嗜脩者薦讀中秘書不果色若於邑然主人



作俟命賦以慰之

伊二儀之網緼兮洵節度而運行  
攤囑函以啓化兮氣隆施而普生  
惟人得其最秀兮超群動以構  
精奄成性於繼善兮不愚嗇而智  
盈胡烝塵之相懸兮互險坦而多岐  
或振駿而躍躍兮邁紹介於所司  
或佇企而不寔兮屢前却而孤疑  
豈將遜彥之登遐兮耳守拙而第離  
拙宜鈍而割備兮蓋性蠢而難移  
紛旣鑠以殊質兮勵偉志以求寅  
羌何淑而瘡瘡兮濂作勞而標遺  
胥蓋八謀之罔與兮

有朕焉以尸之廓峴峴而銀銳兮沕沆瀣而莫覩  
懷五殊之交運兮通同古今以開類益散幽於三  
重兮大化烏有乎定位肆否泰之掇擾兮哉非彫  
刻於一一爰自榮而自悴兮迺漸氣之大率伊豈  
不欲均培兮求於人而憾釋顧覆載猶歎全職兮  
雖兩儀亦無以爲之力兩儀聊委於所際兮吾又  
安尤乎萬物物有清雜而溷揉兮盛衰錯而不倫  
芻桂芝以秣蹇兮各糟糠以伺人拳罷牛而被以  
文服兮龍駒棄而不陳芻蕘不植於衢路兮奄荒

金其棘榛蒿蕭蔽而成林兮杜若空芳而藹湮憶  
物那有不平兮矧勢利之糾續霍美不必爲偶兮  
時有羞而不相鄰雖韞寶而求買兮嗟千載其焉  
詢昔仲尼之淑聖兮竟阨窮於蔡陳七十子惟回  
之賢兮陋巷何事而獨貧軻不遇於齊梁兮憯歸  
咎乎夫人廣文數至號啼兮詎才智之不足稱寔  
天無心成化兮不齊物之情也和璧而不見售兮  
良無損於其珍也以戎之博觀兮志何瘦瘦而欠  
伸出處自有法度兮物得喪夫奚論侯夔龍之明

揚兮固道亨而得焉儻瑕瑜之不相掩兮亦物變  
之或然斯固存於旭歷兮不曰有命之在天君子  
行法以俟兮勿芥蒂而便悃且是不可以預慮兮  
道不可以預究觀大易之損益兮覽老氏之倚伏  
合散消息安有常則兮萬變糾紛於宇宙遲速亦  
糾錯更巡兮猶軫轉之列宿風飄飄而不終朝兮  
驟雨無留連於信晝松遲遲而晚翠兮花早發而  
先仆矯旭旭者之履溢兮信昇爾以覃厚碩人達  
觀無不可兮固曰大道爲夫人之圖稽古尚棘津

之臞叟兮文王載於車後寧戚不卒於賤牧兮桓  
公乃勃焉舉於牛口閔丁靡而溷矜兮來世人之  
所訾也繫王周而伯齊兮亦惟荷天之佑也戎旣  
用賔上京兮藹藹焉天子使顧仕以行道惠民兮  
必非擇地而後治彼厭艱僻而耽密豫兮時勢之  
所必至不云盤根錯節兮古人因剋乎利器與其  
舒采而靳顯兮悵悔吝之相蒙孰若反身於劬業  
兮顧而果曰大通頽道而歸爾類兮自委運於化  
工則瑣瑣者不足勞形兮庶優哉以永終焉之歌

曰洪鈞無私播群物兮雲蒸雨降淳抑鬱兮天蟄  
求伸潛自屈兮碩人練要恒目忤兮

茫湖浪叟賦

予嘗遊邑郭之陽廡地曰茫湖者於樂哉狼觀相  
物芴焉子有也其處形勢盤曲奇峯珍瓏隴垤隈  
而相屬面饒崗以居中南山揭其右龍嶺被其東  
於近則鶴仙簪岑襟帶招雲暖對掩靄萃於霞芬  
焉於遠則孤羅鬱翠層巒蔽虧綿亘百里巷路委  
移焉及抵其陰有湖泱泱漫波淪灝漾汪洋青

浮落漠以上覆穴溜浹浸而安流忽吾覩今一叟  
時相羊而嬉遊泐乎若深淵之覩泛乎若不繫之  
舟意其爲遺世獨遠蹇而好修者矣遂見而問之  
曰叟志在湖乎曰然欲寄脩乎曰然雷子曰叟何  
拙於脩若是夫湖之大於此多矣通都之中石屬  
群山左回大川玉泉垂虹西海羅煙雪波泛湧蛟  
龍曲蟠叟何不乘槎以觀日月挹一滴於仙源庶  
有以潤澤人人而吳隱名以自全者乎對曰孔子  
云得之不得有命存焉其焉覩之雷子曰有是哉

夫曹叅大野宋濱監諸楚瓦雲夢吳越之間有具  
區水萬頃以凝碧山西合而染監信乾坤所融峙  
而仁智所樂耽也叟若效蒼水之使稷丘之君庶  
一問之勺昂湖而想遺芳復河洛而思聖動也其  
視茫湖爲何如對曰予夙志奇勝欲極禹跡無玩  
物喪志非所願也雷子曰亦有大焉夫蓬瀛方壺  
鳳麟聚窟十洲三島靈異非一紫氣丹青景雲矚  
目叟若遊從乎其間踞弱水以濯足而安期羨門  
之徒若隱見而恍惚又豈不與化俱徂超然八極



哉對曰棄情遺世餐氣服道此神仙之有約而不  
可徵吾安爲哉曰然則與湖上下一壑一丘逍遙  
徜徉委蛇而休非幾於潔身亂倫者之流歟更乃  
仰笑三嘆瞪目而語曰嗟乎哉世之不知類也久  
矣夫陽春一枝孰非此性大海一漚孰非此氣故  
至道爲夫人之圓賢者貴安乎定位與其惑於衆  
人而好惡積意盛衰晦自全細故不足以芥蒂懷  
歎榮悴之浮漚悲老壯之逝水願處卑而上行歌  
流光以自矢歌曰湖之水兮悠悠擊空明兮瀏瀏

泝流謙兮勢若柔君子有終兮慕此好仇歌既拜  
手而別問其姓名俛而不答雷子愀然若失曰世  
謂林下多異人懷材抱德隱於湖濱其殆斯人歟  
其殆斯人歟因識之逮歲玄默執徐余名籍長安  
李克齋自蜀襄試事還京奉若翁之養焉一接之  
儼昔遊叟然悵而問之曰曩歲茫湖之遊與吾問  
答而去者非翁也耶翁顧笑余亦覺悟於其南反  
也續之以歌曰處幽潛德世不有兮抱奇內光誰  
則觀兮大人之度益順守兮付得與失無與已兮

乘流則逝不爲誘兮安心隱志其永可久兮吁嗟  
有懷泌之洋洋兮安得賦此詩而右之

### 檜亭賦

錢君望若翁以縣佐乃老固有取於檜者因以名  
其亭予爲之賦志脩也

倚斯亭之偉構兮奠華章之名區欽奎迤其萃鬱  
兮襟大江之縈迴紛有檜之挺節兮申青標以自  
飭枝扶疎而覃布兮莖孤峻而益力屹萬仞而壁  
立兮不仆以爲直根柢勃其盤魄兮堅所性而執

德展茲植之好脩兮塊獨不改乎此度何主人守  
以爲憐兮遂謝榮於朝露夫豈徇名而爽實兮爰  
矯世以竊慕懷進可而悟止兮亦達盛衰之故也  
念夫衆闇穆而寡操兮班紛薄於脩陸行胥胥而  
日昧兮等末翰于黼黻雖欣欣以向榮兮胡偃蹇  
而下伏夕淹雨而泣素兮朝披煙而垂綠羞守操  
以堅氷兮徒有容之如玉本實撥而低垂兮空飄  
零於寒竺惟碩人之隱德兮每思退而全名或違  
道以干譽兮寧身困而心亨余旣好此奇服兮要

飭志而抗行幸彼檜之勁直兮夙與予其自成欲  
結言於斯地兮恐莫堅乎寒盟爰托物以況已兮  
塊襲爾之嘉名亶脩潔之不忘兮澹逍遙以容與  
肆考槃以畢志兮斲檜亭以自娛法乾則以秉鈞  
兮範坤度以爲矩六經闢其弘基兮樹仁義而爲  
柱禮樂煥以成梁兮旨書紛其環堵頌直道而無  
撓兮運吾心以爲棟主道德非爲虛位兮固將洞  
千門於大宇外物一無所與兮夫何有於莽鹵羗  
予秉膺貞慤兮瞻處此而不遷保厥美以上下兮

又豈傲世而已然古有避松受職兮漢則屏樹而  
坐焉東都廟起於白木兮元聖因枯桑而留年北  
陸以楊葉爲關兮梅根作治而永傳職皆寓志於  
物兮肆大冲賦乎君遷扶風則繫於長松兮小山  
遂攀桂而延連伊古人之練要兮結微辭於舊緣  
曰外好雖不同兮實中情之可堅孰謂茂亭與檜  
兮憺委昭質以自棄植姱節之不忒兮肆恣恣其  
曷已雖所處之固然兮亦率余之素履又豈仲文  
之忽忽不樂兮嘆庭槐生意而盡矣重曰彼樞子

金華先生集 卷之十一  
今以義守今有衙檜今於已取今樂盤桓今永可  
久今審好脩今世不有今播清風今爲廉貞今激  
頑夫今脫羈塵今完始終今垂儀刑今吁嗟心契  
百世今其永覩於斯亭

### 梅花山人賦

梅花山人者長沙周通守別號也君子有以知其  
素矣而或者弗察也故予爲之賦焉

峽江之良田有梅花山焉其山脩亘偉犇鬱礚  
欽派漣崗以左屬突五岫而巒岑狀噴梅之含灼

負嫫節之抄臨泉感沸而中泐縹層巒而嵯嶮鷄  
峯員嶺迤其右頂山香爐峙其陰奠以龍窟之野  
芘以桃樹之林旋流瀾而漉集切石洞之巖巖巖  
其懇兮一方之勝擅矣荷有山人焉遴材摧茅治  
榛艾管仰視俯睨境清風閑始卜之忻忻焉若求  
有獲旣築之專專焉若默有契久則嗒然忘偶澹  
然捐世累已而歌曰噫旭旭兮山稠叢兮勢業業  
兮鋒磨鋌兮非伊抗兮蹇豪宕兮樂彼靜兮惟爾  
之性兮蓋欲粃糠萬有以自得於中而益樂有山



人之呼也雷子聞之訝曰嗟冥哉表安一枝者難  
語天地之運據腐之鳶仰而赫鵠者非其智殊也  
處於小則大者昧怙於幽則耀者眩故觀廊廟鍾  
鼎之盛則事功之心興覽聲文冠冕之會則進爲  
之志增今山人效用於世亦既有年矣而欲上累  
太清下干山靈不亦戾乎山人曰異哉何覩之眇  
也君知夫茲山乎上甸乾樞下持坤軸巖岫四崇  
崑崙北屬礪之以義則崖石磊砢岍谷含訝焉澤  
之以智則萬景嫵媚消煙歛霞焉通之以禮則卷

路峩移晷翔交加焉主之以仁則蟠踞廣博吞納  
無涯焉至于歷宇宙之綿延亘萬古而峻崦儼一  
夫之當關眇寰塵之刻施豈非持之以信撐吾人  
之柱砥者乎是故昭士猷遠志夫嗜脩隨萬物而  
自得惟進求與道謀觀天以常其健觀地以常其  
順觀風以常其巽觀雷以常其奮觀日月以常其  
明觀水之洊習以常其進胥窮理而反身夫豈玩  
物者之是徇况大化賦我以成質巍然與茲山而  
並暉詎漂世波而上下混埃壒而紅飛於是觀艮

以常止焚逐逐之燥機挺風骨之巉巖飭廉隅而  
厲砥中竄窳以宰豁度軒朗而削巖容百谷以博  
物吐雲澤而雨施紛震撼與擊撞志堅確而臨之  
守是道以成岷雖夷險如一時知乎此則萬仞王  
屋之可奪而吾心之山決不可移不然濃山之巔  
景山之耻奚爲屑屑然遊於茲耶旣乃放歌相答  
曰紛蒸塵兮堙漫山盤盤兮雲陰吾將釋兮滯志  
誰能識兮此心於是古和子爽然曰山乎曾未始  
有得乎無處登世鈎名著汚此巖局乎且欲聞於

潁陽之徙乎乃復之而和曰美都兮一人恬澹兮  
以休懷高風兮增慨寄遐思兮千秋

怡菴賦

歐陽懋直若翁別號怡菴蓋知作德者故予爲之  
賦云

粵人生本靜兮性動而爲情有識有知兮優猷悅  
而喜生夫固職七情之一兮適非外假而成惟觀  
理則順兮利攸往而咸亨靡得亦靡喪兮無止亦  
無營治以君子兮坦蕩蕩而平平胡彼庸之表勤

兮轉傷惻而嗟嗟兮貪夫與俠客兮紛狼財而逐  
名名譽怨所集兮禍伏棲於豐盈進坎且而困於  
石兮坎窞凶而交并展作偽日拙兮瘵心勞而靡  
寧奚役役以趨世兮臻焦內而空真豈惻寵以冒  
災兮其實身於叢棘謂康莊為迂兮謂蹊為直憮  
不省憂喜共閤兮察吉凶之同域皓劫從欲惟危  
兮疇非挾詐而卑德德本逸而日休兮詎飛鷺之  
所能飾伊孔顏亦何恤兮疆陳蔡而絃歌不息簞  
瓢無改於貧賤兮非特反求而懌反身而誠樂兮

蓋爲役物而喪已者之是惻惟克已與一貫兮通  
萬物而自得稽古歷山禪授同一不與兮羗何罷  
於其迹亦憮西伯之文明兮無所往而不順適胥  
蓋安土敦仁兮內省已而靡疵夫何憂何懼兮時  
遊衍而委蛇慎達人之處世兮道在是而隨之肆  
遇之而不怨兮居之不疑睢睢有翁無累兮體元  
吉於其旋心太無有不足兮察上下於魚鳶得坎  
則止兮乘流則遷戎固不私與已兮介悔吝於所  
生獨物之感人無窮兮安得遺世事而超然豈俯

仰無愧怍兮覺神曠而體便於是齊貴賤於蝶夢  
兮等榮辱於蝸角膏粱不足以易吾之真味兮管  
絃不足以奪吾之真樂固知一死生爲虛誕兮並  
彭殤爲妄作而天理皆吾性兮夫豈寄形骸於  
所托世有不以生故自寶兮養空而遊泛然投乎  
杯中兮淡若巨海之洪流寧隱微以無準兮原  
存亡而無恟適寥廓而忽荒兮不妖幻而未休亦  
有生貴適志兮付塵途於若浮未解般娛倦體兮  
藉宴私以優優然憂患枕於几席兮鑒往者而何

求吁嗟季倫金谷誠非今張禹逝矣堂幽能使生  
歡亦戚兮豪華文雅必所脩固不可絕物焉超兮  
亦不可徇物以爲留合于勵翁以作則兮樂天知  
命故不憂

牧菴賦

代作

司諫魏水洲若翁以牧名菴蓋取易謙之義許少  
華記之詳矣予爲之賦志脩也

丁酉之歲時維仲春某子順節序而敕令眺鄰封  
以懋輪采歌謠以灼政豐元化而濟民撫地曰沙



林者塊然一菴老人居焉涵柳季之卑辱醉屈騷  
之常醒徧雍門之挾說守玄雌而恬真不夸世而  
暴智不鑠鑠以俯人退洗心而自訟恒履謙以戒  
盈於是虛里子往說焉詰之曰嗟哉子何自畢若  
是耶夫玉非售弗珍才非炫弗達羗闔櫝而辭價  
祇埋采而匿烜今子精六藝之術闕衆妙之門窮  
年于此矣固宜拔萃角奇揚仁飛義游心無方抗  
志雲際而乃訥訥其辭跼蹐其履盡道若退隨時  
休否豈道貴從凡而習其孤技耶夫參輪可使自

轉木雕猶能獨飛以吾子不能察寶騰譽蒙竊疑  
焉老人歛衽而笑曰有是言乎予勉我以世路不  
知其跌而失吾之度子不聞嶺南少年澤下龐叟  
乎嶺南少年怙才傲俗恣睢無極自以秉轡獨步  
萬乘莫抑然天收其精地縮其澤朝升高岡夕墮  
幽洫莫非禍生蹈溢者乎澤下龐叟行不擅美泊  
然純素被褐終身沈晦弗顧然人恬其退鬼隲其  
祚初淪泥蟠終脫塵鷺豈非福生知足者乎此誰  
得誰失矣吉矣凶子未晰義曷察予衰旣乃指菴

矢歌曰喟旭旭之履盈兮紛靈利以競時勢犬牙  
苟相軋兮遁冒險而厲危羗其分駑駘兮詎策駿  
而騫馳退掩扉而佩初服兮猶恐什襲而露之歌  
畢辭虛里子而去某子異其言曰翁之辟虛里子  
善矣雖然翁之居是菴也能大虛爲輿玄鑪爲肆  
乎能心存莫競之林神遊無營之室乎乃道驪造  
其菴焉老人手持周易一卷欵予坐話見其子青  
瑣客焉演謙象以晰理揆爻辭而類情觀天道之  
下濟察地勢之上行極鬼神之盈虧反而進取諸

身玩有終之貞吉求行利而功成言未終某子不  
覺躁心頓釋快然身輕因放歌相答求與之盟歌  
曰紛塵倜儻沫以濡兮吉人練要退守愚兮偃僂  
滋恭有若無兮邛懷潛德願與俱兮老人愕然曰  
人心不同有如其面邂逅然諾未敢深羨子其載  
盟菴中毋吝筆視予亦秣驪言邁從子之殿

慈慕齋

母氏去世者二霜矣哀次夢接之若啓德棘人者  
追而悼之志長思也辭曰

蹉節序之禪軫兮氣嘗至而感人履霜露而悽愴  
兮歎怵惕以生仁憶靈命之標絕兮淚不復乎故  
庭慘鬱鬱其幽挺兮遂摧肝而裂膺曰空霜亦有  
自兮雖青螭而有羸剗屬毛與離衷兮敢棄恩於  
投果神氣氣以遙思兮浹淫淫而垂稀增難妍其  
大息兮委此生於灰火顧陋質而低迴兮又躊躇  
以宵坐雨絕天而雲歸兮葉落樹而連嶮嶮自輕  
於土糞兮惟悖德而遺親對虛室其寂響兮几筵  
蒙天流塵蛛絲迥度空幕兮月色暗而霾湮悒砧

聲之屢徹兮苦愁人而不忍聽退覓肱而枕寢兮  
奄修夜之未晨夢漆園其悠悠兮忽蟋蟀之千春  
豈無燈與鷄兮聞見不在夫高堂悲風長號而有  
讐兮厲稚子以懷傷悽惻惻而警覺兮似烏喧於  
郊荒倏席起而譚聽兮則又若猿鶴喚叩以同行  
隨啓扉兮粲蘭舟烟海迢兮不可梁秋竹隕於慈  
闈兮桂枝落而銷亡全蕉破於半夜兮踐柘圃而  
日薄蘭雖登而蠶死兮飛蛾空散夫幽魄叩黃墟  
而卜靈兮恫翁使其默默登嶠岬而眺望兮慨潮

水之不汊白楊既訾其堅生兮重墓木之拱陌時  
雖煦而不作花兮樹復怨乎春色鳥唧唧於林間  
兮觸哀鵲而驚怕步蹢蹢而若失兮身偃俵而倒  
躄拽楸檉以深情兮香清谷之莫參寒霓衣與霞  
裾兮飄然在夫浮臺駕玄驂於萬里兮仇待人以  
賓擔願高舉而無翰兮俯仰有慚乎寡男垂袍綬  
之涕斑兮又漬之以血濡緬江水之可浣兮漆樹  
滋而不能去追丁靡其涵矜兮腥烹無及於鑄金  
孝哉有懷穎叔兮君愛孰遺失涼寔荆粟兮免負

升今月先毛向於西吐開襟而視有瘡及皮色嫩  
如初乳埋固席靈龐麻兮步亨衢於英哲斯策名  
而副實兮懼前修為之半輟矣此志而不渝兮用  
有賁夫嵩封綴荆國之短賦兮寄尺紙於蒼松

憶幽閨辭

幽閨系出邑之梅江李義山後也余於嘉靖戊子  
獲薦秋闈始歸焉越歲庚寅以

例偕赴南雍未及半載忽於辛卯之孟秋得邁痘症時  
孕孤已五月孤墜而卒不可藥嗚呼痛哉今年壬



辰余名籍天朝英靈接於夢寐者數數其容悴悴然其聲啞啞然豈不平於心而將以求訴耶抑精神念慮之感召而若或接之耶作賦挽之以示長思云

嗟幽閨之淑嫻兮鎮獨處而寡群賤競穠之溷濁兮耻雜敷之糾紛紉秋蘭以為佩兮申纖縞而自貞寧他卉之台妍兮懋乾坤之無塵誠皜質其曙脩兮被明月以外飾施結璜之委蛇兮謹垂鞶之式式四德粹如白璧兮持禮防而益力美以順焉

正兮終溫都而可即懿原所生之乎亶兮允宜其  
家室也髡彼兩髦惟特兮相期非一日也何辜于  
天而不宣釐兮降蓍收于西玄擊彗星其作孽兮  
邁惡厲而顛連肆掃壇以告誠兮薦珍饈以祈仙  
鬼神不能呵禁其不祥兮安期亦不能饗以引年  
奄脫顏而就木兮駕靈輶而上遷迈丹旄於西風  
兮禁寒煙之衛船滿佳城其落月兮瞰渾湫於重  
泉吁嗟海天霜冷兮秋氣慘以悽憐矧旅寃非所  
兮徒籲告於九天退洗心而自訟兮亦不知其所

愆也豈青鳥驚高羽而來迎兮金母有待而停盃  
何乘鸞引去兮莫覓羸女於蕭臺舉手非暫為別  
兮豈千歲而復來綏魏后於蒨觀兮杳杳雲跡秋  
風迴隔銀河而望迢兮迥移燕於池隈空憶盧家  
月閣兮擊琪花而早摧匣中雖藏鸞鏡兮分隻影  
而難續愆玉顏之不成粧兮慘雲鬢於黯綠彼天  
吳之拆殘錦兮機塵暗而誰屬繫臂猶存筐幣兮  
忍看遺繡與綴玉冠釵已殉搔頭兮佩掌珠于窮  
昊爲題案底鱗穿兮春無人而自老豈離絃終不

更今期言歸于永好顧羽觸宮而短韻兮轉嘆啞  
而煩惱矧埋玉骨緱嶺兮莫耀迹於丘銘而義娥  
嘆卧馳兮疇啼痕而薦馨坡公昔慰安甫兮詞傷  
春而苦聽悲不盡乎長江兮騷韶華而未星爰台  
名籍長安兮像生存而不釋願顏思而就枕兮恍  
榮者之邛即承邂逅于籍寐兮托精寃於遙夕風  
飄飄以吹幃兮起覽視其何適惟鷄聲亂訴殘更  
兮疑英靈於宵行爲念梁生牖下兮促早朝而鳴  
鏘誠瑤臺之注想兮敷惻欵之衷腸曷若依七襄

之織女兮成報我之文章粵交甫出浦得珮兮遇  
二女以徜徉而沅湘之有蘭芷兮洎思公子而未  
忘紛旣導驪沙澤兮非振寒草而可杭懇念獻菓  
結賞兮於蘋藻而留芳甫效漢武悼李兮桂枝落  
而銷亡慙如子雲美諫兮元后至今有耿光哀些  
遺潛楚客兮眇音容於旣藏攀下泉之不逮兮隱  
哀痛而悲傷泣夜蛩於四壁兮惋鵲夷之被殃追  
遺閨之盛美兮豈省躬之可當辭曰相彼玉秀胤  
潔姿兮大素無紛賸有儀兮締言結髮曾謂惟兮

志志糟糠情何違兮載結余綬未瑄璃兮允異始  
終躋期頤兮一夕弗作成長辭兮悠悠我思德在  
茲兮強歌騷誄豈勝詞兮獨頌播草兮庶千載有  
耀於穹碑

木訥閔公輓辭

同年浮梁閔景周登進士未月而翁以齒聞訖訖  
在疚余為痛焉作辭輓之

嗟吾翁之高標兮蹇好脩以為常匪抗世而子立  
兮曰率性其自將養智辯于質訥兮貯煙霞而相

羊陋繽紛之勢利兮爰淑子以義方鳴謙亨其貞  
吉兮美積善於一鄉報以久而定兮孰疑夫天難  
必而然然肆遊龍之神變化兮見于田而離淵宜  
引一苞以自慶兮儲袞勅於九天胡邸報未及兮  
遽逍遙而上遷駕行輒以就道兮舉丹旌之翩翩  
耀靈輦而西征兮天沉寂而冥落載營魄而登霞  
兮倚斷空於遼廓魂飄飄而無寄兮驟孤騰之飛  
鶴擁玄武以涉虛兮想已周乎六漠引雄虹而登  
峻兮揚雲旗以軒遊耀八龍之蛇蛇兮振玉鸞之

噉啾攀彗星以朗導兮委升初大儀教重陽之  
帝宮兮凝精英於旋曦固欲制鉞形器兮凌天地  
以徑度召黔羸以即之兮嗟曼曼之岐路既南疑  
而直馳兮曰陽臺其云暮向楚山以相招兮杳不  
知其所註遂使孤子嗟而投淚兮耻丹翼之無侶  
川陸迢其望絕兮寧不拊臆而長吁魂識途之營  
營兮殆震蕩而靡所脩長夜以不旦兮儼幽晦而  
多雨縱有生之必盡兮奄大塊於片塵顧罔極圖  
報兮駟馬王羞安復陳矧空勞不作兮莫脩命於



迷津舞袖纒縱以何見兮鳴瑟寂而無聞惟猿歸  
曉月兮含冤聲於蔓域痛鴟夷其作孽兮心結結  
而不釋哀哉數厄陽九兮竟沉淪而已矣幸焚黃  
之有待兮及見翁之孤子余亦義聯通家兮增歡  
歎而不已扣岐伯以陳辭兮望南天而昭只昭只  
兮何為敢布兮悼心非強顏兮湘賦不能忘兮德  
音辭曰山埋沒兮雲之凜兮公何徂兮士之悲兮  
風蕭瑟兮木其移兮烏失哺兮淚滋萬兮莫既心  
兮子之思兮悵若遺兮世之規兮千秋萬古兮其

尚想像乎公儀

鐔壺堂摘稿卷之十八終